



**Quæstionum Canonicarum, In Quinque Libros  
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,  
In quo agitur De Judicio criminali, exponendo primùm actiones in eo  
judicio instituendas, & suscipiendas, ...

**Schlüter, Georg**

**Augustæ Vindelicorum, 1709**

Articulus II. De damno dato.

---

[urn:nbn:de:hbz:466:1-73064](#)

310 Tract. In Lib. V. Decretal. Quæst. XXXVI.

per modum defensionis naturalis, & moderaminis inculpate tutelæ, in ipsum injuriantem in continentis retorquetur, vel is ab injuriato mendacii redarguitur, actionem injuriarum quoque aboleri, notat Braun loc. cit. volens idem dicendum de repressaliis legitimè concessis. Repressaliæ autem (latinè pignorationes) vocantur literæ, in quibus Princeps, aut Respublica subditis aut militibus suis injurium damnum passis, dat potestatem, invadendi terras eorum, qui damnum intulerunt, & occupandi bona incolarum, etiam innocentium in compensationem bonorum ablatorum. Sic Sylvester V. *Repressalia*, n. 1. Layman l. 2. Summae, tr. 3. c. 12. n. 13.

**1373** Circa Repressalias quæstio est 1. an sint licita? 2. contra quos concedi possint? Ad 1. r. esse licitas his positis conditionibus. 1. ut fiant auctoritate Principis potentis bellum indicere. 2. Ob justam causam. 3. Ex recta intentione illius, cui conceduntur. 4. Ut non excedant damnum datum, & interesse. 5. Ut non siant in personis innocentibus, sed solum in rebus. 6. Ut is, contra quem fiunt, admonitus recuset satisfacionem dare. V. Pirhing, h. t. à n. 21. Ad secundum r. Repressalias non posse concedi contra personas Ecclesiasticas, nec earum bona, & si alicubi concessæ sint, non extendi ad prædicta, ut dicitur in c. *unico*, h. t. in 6. & contra facientes (si sint personæ singulares) nisi intra mensam retractent, sunt excommunicati, & communites interdictæ, ut pluribus ostendit Barbosa in cit. c. *unicum*, à n. 1.

## ARTICULUS II.

### De damno dato.

**1374** *Damnum* fortitur nomen à demendo, & acceptum in toto sua latitudine, describi potest ademptio, vel diminutio patrimonii, juxta l. 3. ff. de damno infect. quamvis aliqui etiam sub *damno* venire velint *lucrum cessans*, seu quod contingit in non acquirendo, ut notavimus supr. *Damnum* dividitur, sicut actio; quia alia est *de damno dato*; alia est *de damno infecto*; *damnum datum* est, quod jam de facto illatum est: *damnum infectum*, ut habetur L. 2. ff. de damno infecto, est nondum factum, quod futurum veremur, seu, quod pendet in futurum. *Damnum infectum* explicit Molina tom. 3. d. 703. quod imminet domui unius, ac rebus in ea contentis, vel plan-

tis, aut cuicunque alteri ædificio, puta parieti, aquæductui, aggeri, aut alii simili, & denique cuicunque prædio ex domo, aut ex pariete, ruinosis alterius, quacunque de causa ruinam minentur, aut ex quocunque opere, alterius ut ex machina, vel alio opificio, sive sint in prædio urbano, sive rustico, in loco privato, vel publico.

Observandum autem, damnum non converti cum pauperie. Hæc enim in jure est nocumentum illatum sine ulla injuria, nempe ab eo, qui *nocere* potest, *injuriam* tamen inferre non potest, qualis est equus, vel alius quadrupes tuus, si legem meam pavit, vel aliter nocuit. Non enim potest dici injuriam fecisse, cum sensu caret; Inst. Si quadr. pauper. *faciat*, *s. pauperies*; unde patet distinctio inter *damnum*, & *pauperiem*: nam *damnum* rigorosum dicit in inferente animam injuriandi. Observandum 2. *damnum* Theologicæ acceptum supponere pro *damno* *injustè* dato per *injuriam*, vel *laesam* *juris alieni*, quod, in quantum graviter obligat ad *damni* *dati* *reparationem*, supponit *laeso* *factam* *injuriam* cum culpa *Theologica* mortaliter mala, de quo pluribus egimus in *impress. tract.* de *Jure*, & *Just.* q. 12. à n. 461. *juridicè* autem est *delictum* *privatum*, quo quis non jure, (nimis sine jure, seu facultate legitimè id agendi) patrimonium alterius, facto quodam (puta deterioratione, vel corruptione) diminuit, citra rei interceptionem.

Observandum 3. ex *damno* *dato* na 1374 sci actionem, quæ dicitur *damni* *injuria* *dati*, alias, *actio ex L. Aquilia*, quæ una est ex celeberrimis juris Cæsarei, ab Auctore suo Aquilio, Tribuno plebis sic dicta, inter plebiscita originaliter recepta, ut habetur L. 1. ff. de obligat. ex L. *Aquila*, in qua continentur tria capita, de quibus caveretur sub cerra pena; primum est de *damno* *dato* per cædem hominis alieni (nimis servi) aut quadrupedis, quæ in pecudis est numero, uti sunt ex, quæ simul pascuntur, ut boves, oves, caprae, equi, asini, muli, sties &c. secundum fuit de servitutibus, quarum usu contra consuetum modum, *damnum* *datum* est; tertium loquitur de omni alio *damno*, præter cædem servi, aut quadrupedis, qui est loco pecudis, in quamvis aliâ rem quovis modo data, vulnerando, scindendo, collidendo, miscendo &c. intellegi

# In Tit. XXXVI. De Injuriis, & damno dato. 311

lige tamen, quatenus dolus ei causam de-  
dit, ut notavimus supra; Sic Zoësius in  
tit. 3. de L. Aquilia, L. 4. Instit.

1377 Damnum igitur per injuriam datum,  
jure Legis Aquiliæ per obligationem ad  
poenam vindicatur, & quidem, si sit ex  
primo capite, illius poena inibi statuitur,  
ut quanti ea res in anno plurimi fuerit,  
tantum Domino dare debeat Reus; poe-  
na vero contra secundum caput jam eva-  
nuit: ex tertio autem capite hujus legis datur  
actio pro quibusunque damnis in re cor-  
porali factis, quæ petitur, ut Reus damne-  
tur, quanti in diebus 30. proximis res  
damnificata plurimi fuerit, & in omnia  
damna secuta, ut habetur §. 13. & sequen-  
tibus. Instit. de L. Aquilia, ubi etiam ex-  
ponuntur plures casus contra primum ca-  
put, quibus ex L. Aquilia succurritur. Pri-  
mus est, si quis servum alienum, vel qua-  
drupedem ex numero pecudum occiderit.  
Nam contra talēm conceditur actio ad  
exigendam estimationem rei, juxta dicta  
in præced., quod procedit, si Reus da-  
mnum fateatur; Si enī negat, & con-  
vincatur fecisse, condemnatur in duplum  
per L. 2. §. 1. ff. de obligat ex L. Aquilia.  
Idem est, si jaculando quis servum alicie-  
num lœsit, aut quadrupedem trajecit lo-  
co & tempore prohibito, juxta §. 4. In-  
stit. de L. Aquilia. Secundus casus est, si  
quis putando arborem, vel reficiendo te-  
ctum, occidat, ramo, vel regulâ cadente,  
servum propè viam publicam, quin matu-  
rè proclamaverit, aut signum posuerit, ut  
dicitur §. 5. ibid. Idem dicendum est de  
medico servi curationem relinquente, vel  
imperite curante, §. 6. & 7. ibid. &c. Quæ  
autem detur actio, & ad quem finem ex  
tertio capite? diximus paulo ante.

1378 Circa obligationes istas, & actiones ex  
L. Aquilia, not. 1. actiones ex dict. L. con-  
cessas lœsis, in quantum poenales sunt, et  
iam dari hæreditibus defunctorum; non au-  
tem contra hæredes, nisi forte ex damno  
locupletior factus sit hæres, ut expressè di-  
citur L. *Inde Neratius*, 23. §. *hanc actionem*,  
ff. h. t. Ratio hujus postremi ibidem reddi-  
tur: *cum sit pœnalis*, aut lis prius fuerit con-  
testata. Nam hic est generalis effectus con-  
testationis litis; hodiernis tamen moribus,  
ab estimatione rei, secundum meliorem  
statum præcedentem, de quo diximus, re-  
cessum est; & nunc solum tanti res estiman-  
tur, quanti eo dicuntur, quo damnum da-

tum est, sic tamen, ut etiam in estimatione  
veniant, si agatur ob vulnera, mem-  
bri mutilationem, mercedis Medicis sol-  
vendæ, operarum, quibus caret, aut ca-  
riturus est; item doloris, cicatricum, &  
deformitatis; ita complures; quos citat,  
& sequitur Haunold tom. 1. tr. 2. n. 164.

Not. 2. triplicem actionem esse ex L. 1379  
Aquila, directam, utilem, & Prætoriam;  
directam, quæ directis verbis Legis datur  
*respectu laenis*, qui corpore suo in corpus  
damnum dedit, v.g. occidendo, frangendo,  
ut dicitur §. *fin.* Instit. de L. Aquilia, &  
*respectu laei* cum soli domino corporis de-  
teriorati datur, ut si, antequam hæreditatem  
adeas, alius eam deteriorem reddat.  
Utilis autem actio est, quando datur ad-  
versus alterum, reum damni dati, non cor-  
pore suo, sed alio modo v.g. pecudem in-  
cludendo, ut fame pereat; vel in locum  
editum adigendo, unde præcipio inter-  
eat, juxta cit. §. *fin.* Instit. h.t. Hæc actio  
etiam conceditur ei, qui non est Domi-  
nus corporis injuria laei, sed aliud in eo  
jus habet v.g. utile &c. si in eo damnifica-  
tus sit, ut usufructarius &c. per L. 12. ff.  
eodem. Cum autem injuria damnum da-  
tum est, aut neutrō priori modo, sed alio  
v.g. solvendo servum compeditum, ut fu-  
gâ elabatur, datur actio *Prætoria* utilis  
in factum, ut dicitur L. 33. §. *fin.* ff. cod.  
& §. *fin.* Instit. eodem. Sed de his plura  
Legistæ.

De jure autem Canonico communis 1380  
regula est, quod delinquens cum damno  
alteri per injuriam dato, teneatur ad ejus  
reparationem, sive per se, sive per alterum  
damnum dederit. Igitur etiam per  
servos, aut animalia damnum alteri factum,  
refariendum est à Domino, c. 3. h. t. nisi  
dando noxæ, servum vel animal, se libe-  
rare velit, c. *fin.* eod. Hæc tamen noxæ  
deditio non habet locum in animali fero,  
quod habuit, & damnum dedit, si id cul-  
pâ Domini factum est, aut non custodi-  
endo, cum sciret illud solere damnum da-  
re, ut dicitur cit. c. *fin.* Quarè noxæ de-  
ditio solum habet locum in casu innocen-  
tiae Domini, cui non debet servi, aut ani-  
malis nequitia esse nociva, ultra eorum  
corpora, ut dicitur in Institut. de noxali  
act. Similiter pro jumento, quod depa-  
stum est alienam segetem, aut corruptit vi-  
neam, damni estimationem restituit, c. 4.  
h. t. Teneatur autem, non tantum damnum  
ipsum

ipsum restituere, sed etiam omne detrimentum inde securum, c. 5. & 7. eodem, modo damnum dolo aut culpâ datum sit, etiam levi, & levissimâ secundum contractus naturam. Cisternam quoque fodens, & aperram relinquens, si in eam inciderit alterius animal, tenetur reddere pretium, c. 2. eod. si eo loco fecit, ubi facere non licuit, L. *qui foveas*, cum L. sequent. ff. ad L. Aquilam, & L. 7. §. *præterea*, ff. quod vi; intellige tamen, si non præcavit sufficienter, ne damnum contigeret; si enim per accidens contingat, non imputatur, c. *fin.* h. t.

**1381** Præter hæc not. 1. ad quæstionem, *an quis ex delicto suo, alteri imputato, & inde gravis damage passo, teneatur?* R. teneri, si prævidit ea securata; quia sic est sufficiens causa alieni damni; ita Zoësius b. t. n. 5. Annumerantur autem damnis etiam expensæ litis, quæ sternerè litigare convictus, merito refundere cogitur. L. *properandum*, §. *sin autem*, C. de judiciis, & c. 4. de pœnis, ubi dicitur, quod in causis pecuniariis *victus, vitori in expensas condemnatur*; & in utroque jure regula est, victum esse vitori condemnandum in expensas, c. *caolumnam*, h. t. & cit. L. *properandum*. Hæc regula procedit 1. in litigantibus sine dolo, sed *temere*, hoc est, inconsulto, nec adhibito consilio, L. *Eum, quem*, 79. ff. de judic. Procedit 2. licet vietus ab initio litis juramentum calumniæ præstiterit; quia licet hoc juramentum excusat à calumnia, non excusat tamen à temeritate; Abbas hic n. 4. Covarruv. practic. quæst. c. 27. V. *Secondo*. Procedit 3. ut etiam locum habeat in causis criminalibus, juxta Covarruv. cit. n. 2. Sed, cum c. *Caolumnam* loquatur solum de causis pecuniariis, Fachingius l. 1. controv. 42. rectius censer oppositum.

**1382** Ex his sequitur, eum non teneri ad expensas, qui justam causam litigandi habuit, L. *qui solvendum*, 78. §. Etiam, ff. de Legat. in dubio tamen, succumbens in causa, præsumitur temerè litigasse. V. Covarr. cit. n. 3. Coeterum Judex omnino tenetur victimam in expensas condemnare, si vitor id petat; non autem alias; ad hoc autem sufficit, quod actor in libello petierit, *sibi jus & iustitiam ministrari*; sic enim expensæ ratice petitæ sunt; Pirling hic n. 9. excipitur tamen Fiscus, qui, licet vietus, non condemnatur in expensas; & justam causam litigandi censetur habuisse, qui pro se

habet opinionem alicujus gravis Doctoris. Sic Barbosa hic à n. 4. Si autem vitor solum ex semiplena probatione, & delato juramento suppletorio causam obtinuit, nisi is, cui delatum est juramentum, plus, quam semiplenè probaverit, & pars altera nihil, vietus non tenetur in expensas; Sic Barbos. cit. Taxandæ verò sunt expensæ à Judice; & post taxationem à vitore præstandum esse juramentum, se vere tantum expendisse, quantum taxavit Judex, arg. c. olim, de Injur.

### ARTICULUS III.

*An damnum per injuriam datum parat naturalem obligationem reparandi?*

**N**on est dubium, dari naturalem ob-<sup>1383</sup>ligationem reparandi damnum lesso per injuriam, si hæc intervenit cum culpa Theologica, de qua materia ex professo in tractatu de Jure, & Justitia, à q. 10. n. 439. in impresso egimus. In presenti solum queritur, an leges humanæ, quarum plures sunt, quæ concedunt actionem contra aliquos ad reparandum damnum alteri datum sine omni culpa Theologica, obligent naturaliter, seu in conscientia, ante Judicis sententiam condemnatoriam? Inter ejusmodi obligationes aliæ sunt, ex *quasi delicto*, de quibus agitur tit. 5. Inst. l. 4. & tit. 3. in ff. 1. 9. alia *ex laisone à Servo, aut quadrupede facta*, de quibus 1. 4. Inst. tit. 8. de noxalib. actionib. & 9. Si quadrupes pauperiem fecisse dicatur, in ff. 1. & 4. l. 9. ac tit. 41. C. l. 3. alia *descendentes* ex L. Aquilia, de qua l. 4. Inst. tit. 3. l. 9. ff. tit. 2. & l. 3. Cod. tit. 35. De his igitur quæstio est, an obligatio, quam dictæ leges imponunt ad præstandum id, quod ipsæ statuunt, obligent in conscientia ante sententiam?

R. Si damnum datum est sine omni<sup>1384</sup> culpa Theologica, obligationem ex illis legibus descendenterem non esse naturalem, seu conscientia ad præstandum id, quod ipsæ statuunt, ante Judicis sententiam; ita communis Theologorum, de quo pluribus egi cit. tract. de Jure & Just. à q. 10. Nam fini earum legum adæquatè satisit per obligationem post Judicis sententiam; per hoc enim periculum subeundi judicium fori externi, sufficienter stimulantur homines ad majorem providentiam, & cautelam fortuitarum damnificationum, qui finis prin-